

मिनख नै समझावणौ दोरौ है

नारायणसिंह भाटी

GIFTED BY

Raja Rammohan Roy Library Foundation
Sector 1, Block DD - 34,
Salt Lake City,
CALCUTTA - 700 064

पंचशील प्रकाशन, जयपुर

© नारायणसिंह भाटी

प्रकाशक : पंचशील प्रकाशन
फिल्म कॉलोनी, चौड़ा रास्ता, जयपुर-302003

संस्करण : प्रथम, 1984

मूल्य : पच्चीस रुपये

मुद्रक : शीतल प्रिण्टर्स,
फिल्म कॉलोनी, जयपुर-302003

MINAKH NE SAMJHAWANO DORO HAI

by : Narayan Singh Bhati

Price : Rs. 25.00

मां चंद्रकुंवर
री
ममता-मूरत
ने

अनुक्रम

जीवता भ्रानाण/	9
घोर ही रल्लियावणी है/	10
लेणी देणी/	11
मिनख नै समझावणी दोरी है/	12
प्रवीण परकत/	13
रीछ रै राज में ही मदारी रो बास है/	15
पैलाद पतंग/	17
उछांछळाई/	18
खुसी/	20
सोरठ/	21
मांगणियार सू' सुहागरात रो गीत सुणतां/	23
वे दो दीप/	24
अनोखेलाल रो तबला वादन/	26
गवरी रो गावणी/	28
भावती बसंत/	30
मिजल रो ग्यान छी मारगू नै दिरीजं/	31
भरघरी रो गुफा नै देखियां/	33
इणी मोरत मायै/	35
यादीजं है/	36
भूधी मजूरण/	37
भूमताज रो मोह/	39
नामरद निसरमाई/	41
दीवाणी दाग/	43
कितें फाटीजती कहाव/	45
एक साछ लीलाणी रंगी/	47
नेपोलियन रो नीत सू' /	48

	सिसर/	49
	फोग/	50
	हयापोहर/	51
	हंसियो चांद/	53
	कवि कीट्स नै फेर पडिषां/	54
	वियतनाम री वसियत/	55
	बेलि री फाल फुरलियां/	56
	सिद्धेसर प्रसाद/	58
	रगत नै सासतौ रंग भावै/	60
	किसौर जिलै री किलरी/	62
	मांड में भूमल री धुन सुणतां/	64
	घारी याद/	65
	पावूजी री कुरियोड़ी पड़ नै देखियां/	66
	कुंवर तेजौ/	67
	की खबर नीं/	68
	रघुवंस री रीत देखियां/	69
	गविड़ी गुसाईं/	71
	देवदासी/	72
	बाघी बिणज/	75
	सांझ री संपूरणता/	76
	आजादी री मोल ही आलम री नींव है/	78
	मुजीब री मौत माथै/	80
	रतनाकर आराधना/	83
	इंकलाब मधूरी है/	86

जीवता औनांण

केई कामरू^१ कोचरियां तो उडगी
पण कोचर हाल रंगी है
इण नुवादियोड़ी माणसी रै
डरू फरू हिये हेट,

अै खपणी खोगांळां खाली रियां ही
नवी कुचमाद री कोख रा वचिया
फेरू बां में पांगरै
लारली इतियास
इणी जापां री जोखौ है,
इण खातर इणने भरण रौ
जाभौ जतन करतां
म्हारी घणी रूपाळी रातां रा
अजपा औजका
सपनीजती पलकां तळे आफळे

नवी पीढी री पांगी
पतियांणसी कोई दिन
इण रा अै आखरां में उथलीजता
जीवता औनांण ।^२

१. कामरूदेस २. निशान ।

और ही रलियावणी है

कदे

पावसिये उर रौ सेजी

वारलै भालां सूं वारै आय

छिल छिल छौळां चढ़ जावतौ

हमे

मांयली परतां में

थिर होय

गैरौ गाढीजम्पौ है

इए में ऊगोढ़ै

विरछां री रळी¹

और ही रलियावणी है ।

1. सुन्दरता, रसोन्मेष ।

लेणौ देणौ

घरती ने अक दांणो देवी
 तौ वा सैकड़ कणूका पाछा देवै
 सत राखणिया समाज सूं लेवै उतरी हो
 नोठो नीठ पाछौ देवै
 घरती री धणियाय मोटी
 कोई री आ ओकात कठै ?

पण म्हारी लेणौ इणी समाज सूं
 नै देणो सैकड़ा जुगां सारुं है
 इणी खातर
 आज रै समाज रा आंकिया टणकेल¹
 म्हनै अक रौमड़² जिता ही लखावै—
 ज्यां री भागणी नै भिड़कणी
 वहकणी नै बुहारणी
 खावणी नै खिडावणी
 आपरै अंग ताई पूगै
 म्हां खातर अ जतना रा खेत
 अक सावत सिस्टी है
 जिण में हूँ आज नै बावू³ तौ वो
 पीढ़ियां लग पांगरै ।

1. बडप्पन की छाप वाले, 2. गाय की शक्ल का एक जानवार जो खेतों में नुकसान करता है। 3. बोताछूँ ।

मिनख नै समभावणौ दोरी है

करसणिये बाप री
कन्यावळ^१ सी भूख
बाखोटिया^२ त्रिछड़ियां
हिरणी री हूक
जिसी हो
पवीतर है
इण धरती री कूख ।

जुग जंतर^३ रा आंतरां में
आ ही अपणास छोड जाऊं
तौ मुआं ही मुकांतर^४ पाऊं,

जोयेड़ी जोत री काई जोणी है
होवते काम री काई होणी है
अणु नै उघेड़णी सोरी है
पण मिनख नै समभावणी दोरी है ।

हे मन रा करणहार
ओ ही करण नै
च्यार दिन फेरूं मांगू ।

1. कन्या के विवाह के दिन परिजनो द्वारा किया जाने वाला उपवास ।

2. हरिण का बच्चा । 3. यांत्रिक । 4. मुक्ति ।

प्रवीण परकत

घा चिर जोवन चिरताळी
प्रवीण परकत सुन्दरी
सौर मंडळ सासां सूं
धरती रौ कण कण सरसावती
गोधूळी गादी माथें
खावगा खितिज रं
गैणांगण गोखडें
सांभ सवार
वारी वारी
अकूकौ थण^१ उघाडें,
घवडावै^२ सारी सिष्टी री
जिया जूण नै
हालरियां उगेरै बादळ वरणा गीत
चुटकियां छिटकावै पल री पांखडी
चूँघणौ सोरी है
चाव चढाव
जरणौ दोरी है

१. स्तन २. स्तनपान कराना ।

पारो पिंड ब्रमांड री
 केई अरक थण री अगन सीर
 घाय मरै
 तो केई सोम थण रै इमरत सूं
 अघाय मरै
 केई फेरां^१ रै फरेव में
 फेटीज मरै
 तो केई वंटवाहें री राइ में
 कूटीज मरै ।

जिको भावइ मीट री मुकळाई मुजब
 अकूको थण चूँघ
 खुली खोल खेलै
 मां री मोद मुळक में तोलै
 वोही खिलखिलती खांदोळ्ये^२ चढ़ जावै
 तारां री तासळी में इमरत पी जावै ।

1. विवाह के भावरे 2. कंधो पर ।

रीछ रे राज में ह्री मझारी रौ वास है

रीछ री खाल ओढ़यां
औ समै
सदियां सदियां रा सिराणा सूं घती
चाल्यो ही जावै है
पण कोई नै ठा नी
किण दिस नै क्यूं ?

बखत री खात में केई खपग्या
केई भूसागड़जी^१
दरसणिया दांव लगाय लगाय
आपै में उगटग्या
पण इण री गत परखता परखता
खुद ही विगतीजग्या,

औ कितरा ही करमां रा
कीड़ीनगरा
धूँड री अंक रूँवडी सूं धूँडाय
अदीठ पेट दाखल करतौ
आगै रौ आगै निकळ जावै ।
कितरा ओढाई^२ रा रूँखां माथै
ऊँचो चढ़
इन्सानी ऊरवां रा

1. अपने आपको बहुत समझने वाले 2. विकटता ।

मदजाळा चूस
 कोरी उसांसां री छूद्यी ग्रंवर
 छोड जावं
 फेरुं नुवें असाढ खातर ऊमस सिरजावं ।

सगळी चीजां
 ठावो ठा दीसैं जदलग ही दीसैं
 पण इणरी रमत-रींछी^१ री
 अक रपट में
 परलें या पांख
 पसरता दीसैं,

तो ही घर रें घोरी^२ में
 धीजें री सांस है
 रींछ रें राज में ही
 मदारी री वास है ।

1. मस्ती भरी किलोल 2. बेल ।

पैलाद पतंग

आस निरास
सांस उसांस
वरसो वरस
उठै

वासना ज्वाळ

अंत आखती
अजक वासना
हुवै होळका
करै

छल छंद

जीव पैलाद
खोलै विलमाय
होमीलै हठ
धुके

अंग अनंग

ज्वाळ भाळ
धोम लीला
भड़ै पीळा
पण

पैलाद पतंग
पलास प्रसून
उठ वैठै

नवळ वरस री बांह-डाल ।

उछांछळाई

औ जुगां जूनौ मिनख
 पीढ़ियां सूं खपतौ पचतौ
 हांफळतौ आफळतौ
 नीठो नीठ^१ पगां ऊभौ हुयौ
 आपरी न परकत री
 की नींव सींव जोखियां^२
 धर धीजै री घणियाप पाळी,
 हाल बाकी ही
 साबत चेतै सूं
 छांगियां पांगरणी भाग री टाळी
 मिनख सूं मिनख री हेत पाळी,

इतरै में
 सूभी उरणै उछांछळाई^३—
 धरतौ माथै हालतां हालतां
 आपै वारै आयो
 तौ चांद री चांदो नेड़ी ही लखायो
 भट, अक पग उण माथै मेल दियो
 सा विचारियां बिनां कै औ गेली
 किसै गांव जावै ?

1. यड़ी भुक्कित से 2. जायजा लेकर 3. बंचलता ।

हमें चीरोजे है:उणरो वेड़ी¹
 दो नखतां रं तणाव री तांण सूं
 चांद छेटी खावें
 ज्यूं आंख्यां रा तारा
 बडा होता जावें
 नीचै जोवै तो
 सोर रा भाखर सिळगता लखावें ।

पैला घीरायत² घरती
 मोड़ा बेगा
 पूंछ लेती पूत रा आंमूं
 हमें तारा तमासौ देखै ।
 नै समदर खिलका करै ।

1. टांगो का मधि स्थल 2. घियंशील ।

फूँसी

खिल खिल हंसतें
परभात री मींट आगे ,
मोदीजती¹ घास माथे
सतरंग ओस री
मुळक री
अक पुळक पैमानौ
जिए नै पीवण खातर
पवन री भीड़
आखती पड़े ।

1. प्रमलता में फूँसी हुई ।

सोरठ

गिरनार रा गोखां री
 बाजणी बीजळी
 गीतां गजरायोड़ी सोरठ सांवळी
 कितरी दिखणी सुपारियां री सौदागर रंग
 थारी पळटवों प्रीत री पनोती^१ चढी अडिमां
 उत्तर उत्तर लागीं,

सै रंग खूटां
 सीचाणै^२ रंग राचणी
 सै नेम तूटां
 अणंत नेम राचणी
 खुद मुखत्यार काम मरजादा री मानेतण
 थारै खातर
 धज धूजतै रणां में ही
 धूं मरवै महकती
 किलीलण किलंगी ज्यूं कणकणी ।

भांणस नेहू बीणा रै
 सातूं सुरां नीचै
 थूं आठवें सुर ज्यूं
 आज दिन ताई री प्रीत रै
 सरपीलै^३ सोपै रै सिरांणुं आलापै

1. जूती 2. बाजनुमा पक्षी 3. आपयुक्त ।

हे भोग रै भटकतै भाग री
आखरी भोळावण ।

थारै लागणै नैणं रै पांणी सूं
समै समंद रो रळकती रतन कणगती¹ में
रह रह नवी रळी आवै
जिए खातर
आकळ रेवै लैरां रा प्रांण
सिंघू री मरजादण काया कसमसे,
थगिया नके रतनाकर थाग
थारौड़ा भकराळा मैरांण
कुण तो यगै ।

थें ती मांयलो चिएक प्रजाळ
खीरां खंखेरी थारी देह
हमें किताक वींजरा धज² राख
धूणी तापवै ?

1. करघनी 2. घापा, शक्ति ।

आंगणियार सूं सुहागराल रौ गीत सुणलां

ओ जूनी जमीरा जाम्मा कंठ
धूं संकड़ा पीढ़ियां रैं ओटीजतैं
जूने जांगड़^१ रैं भीणै भाटकां सूं
उथलीजतैं जोवन रंग रोस खातैं
सेजां री कंवळो अवखायां में
आगे रा उथेलां बाळी
राचणी राग ढालैं,
थारै कयामचें^२ रौ कणकणी तांत रौ तंत^३
वरी^४ री जरी रा तारां चढ़
नीत प्रीत री पैल उफांण रळी रगां में
पैरवें पैरवें
वड़ता वासंग
बतळावै ।

१. गीत २. सारंगीनुमा वाद्य ३. तत्व, सार ४. दुल्हिन की पोशाक ।

व दो दीप

दीवाली रैं सैं दिन
भरी भीड़ रैं बीचो बीच
काजळिया कोरां में
काजळिया दो नैण
दीप सिखा सिर
दो
थिर दीप

नेहाजळ कंवळ रो सांवळी जात
इणां भगे ही टेक माथ
वरण वेळा में हुई सनाथ

वा मुड़गी गत सी गळी री मोड़
भंवराळी वेणी री भवक्यो छोर
लारै छूटगी चमेली री छाप
भंवर गुंजार री छे'ली माप
चानणी चमकी छिए छिव धार
सौरम सिसकी प्राण पैसार

दीवाली रा निघग्या^१ दीप
तमस रात अर दिन पीत
पण अजे जगै इण अंतरतम में
वे दो दीप
वे दो दीप ।

१. बुझ गये ।

अनोखलाल रौ लबला वादन

आ बोल बिहूणै^१ ताल री
 उर ईयर थिरकण में
 थिरक थिरक नै थड़ी^२ करती
 अनोखै हायां सूं अनोखी
 सिरजणा

कै

सूरज नै चंदै रा, दो
 कटि छिबता छवोलियां सूं
 ध्वनि रा फूल उछाळती
 पुररवा रँ अंतपुर में
 ऊतरै है
 अत आतुर-उर उरवसी
 सुरंगणा

कै

आरजदळ^३ सांवठी सेन री
 अहोअह ऊपड़ती अस टापां^४
 हण घर संस्कृति सोण में
 साखीजै है
 जीवण री जोभीली गत

-
1. बोल रहिब 2. बच्चे के पैरों चलने के प्रयास की क्रिया 3. आर्य दल
 4. घोड़े की पदध्वनि ।

गरजणा

कै

नटराजी-निरत उमंग अगै

बिन नर्तक नर्तण ज्यूं

लाखूं लास्य जगावती

उद्धेलीजै है

अरथहीण कळा में चिरंतण अरथ री

उद्धेलणा ।

गवरी रौ गावणौ

पारै कंठां सूं
 ढळती आ राग
 जाणै उसा'ळी^१ सुरंगां सूं
 ओटै रळकीजतौ
 किरणां रौ कामणियो उछाळ
 काचै रंग रौ
 घुळ-घुळ कूंपळां में
 कांपणौ,

पांगरणी हेत रौ
 पवनियै रै पांख
 हेताळ हिये रौ
 रसमसिये तालां माथै
 रपटणौ,
 तोखौडै तिवारै^२ रै तार सूं
 फूटती फुंहार रौ
 नखताळी किरणां सूं
 केळोजणौ,
 लखियोडै लौटण कबूतर रौ

1. उपा की 2. तीन बार जबली हुई तेज शराब ।

भोळखिये खोळां में
लुट लुट
लोटाणी,

सधियोई जुगल सारंग री
मीट सूं मीट नै
पोवणी.

अरे भंवर-लैराळी गायण !
इसड़ी रीभाऊ पारो
काळजिये री कोर सूं
गावणी ।

आवतौ वसंत

वयर बुहारी रै भाड़ै सूं
पीळीजिये गात रा पात
उतार

रुंख रोमा'ळी^१ नै
रळी रंगिये हाथां री
संवार,

जांणै बूढे दरसण नै
कोई नियती जुवती
फेरुं बालपण मै
विलभावै ।

१. रोमावलि ।

मिजल रौ ग्यान लौ मारगू नै दिरीजै

करम केळ निकुंज में
सासते सांच री
मसंड जोत
घारै उजास में
कितरा जुगां
जग पंडो पार कियो

तिरलोकी रै लौकीक पायेय में
भातम रौ मूंधी मूँए देय
दो सखायां बीच
बांटीजतो बिस्वामू प्रसाद
करम री कंसा में
त्रियेणी रौ ताग
पीढ़ी दर पीढ़ी
पोंयीजतो रह्यो,
कोई मंत दए कंसा नै राळ
घागताई पूगए घातर
घागे नी शपियो

दरा घे घा गीता रौ ग्यान-भाष
पनुरपर ह्मँ बांटो
उग दगल

हलधर नै राधा
सुदामा नै सतभामा
किस खूणै रैय गया ?
मिजल रौ गयाच तौ मारगू नै दिरोजै
वे तौ प्रीत-विमाण सीधा ही पूगोड़ा हा ।

अरथरी री गुफा नै देखियां

नारी नितंब नै
 डूंगर खोहां नै
 अंक ही डोह सूं डोवणिया
 डीगें डांण रा डांखिया डकरेल
 थे भुगती^१ नै भुगती री भणत
 अके अगराज सूं भणी,

राज रणवासां सूं
 रोही रें रिनवासां^२ री
 ओलख
 पल परदौ पलटतां आई—
 जठं विरचै नीं
 विरछां सूं बेलियां
 पवन सूं विरचै^३ नीं
 सौरम सहेलियां
 भंवर सूं विरचै नीं
 नाळ कंवलाइयां
 अनहद दुरै नीं^४
 नाद अमराइयां ।

इण परकत री मोटी मैफल री
 सासतौ पतियारी पी
 थे प्राण नीकरणी में

१. भोग २. अरण्य ३. घोला ४. चलन नहीं होता ।

अपल अलखाई
नित रूपाळी
इमरत आभा,
जिए जसन री साख
सतक त्रिवेणी संगम
त्रिभंगी अदा सूं भरे ।

मैफिल रै मांझी ने गया
जुग गया
खाली ही लागै है खलक नै खोह¹
पण भूहने
पुरस नै पंरकत रै पारदरसी पांणी सूं
छोळां ही छोळां
छिलतोड़ी लागै ।

इणी मौरत माथै

इए चढ़त भुहारां रो
बांक कवांण माथै
सघ सघ सघ है
कळियां रा तीर
निजर सदोके¹ छिटकं निखार
सौरम सिरजै सांस उभार
भंवर पांख भिलतां भणकार
रोमां'ली² राजै सिएगार,

इणी मौरत माथै
उतावळी
सावत सिस्टी रो
सिरजणहार ।

1 संघान, निशाना 2. रोंमावलि ।

यादीजै है

सांईणै सरवरियै माथै
सरसती
अकलिये बड़लै री
लाल कूँपळ जोत री लोय^१ नै जोवतां
यादीजै है—
कंवारां कानां री
लाजीणी कोर
रळकता केसा री
लांबीजती साख^२ सूँ
साखीजै है
भोल्यां पछै भरती
मोतीड़ां री माळ,

अचांगचक निजरां सोधै है
डाळां बिचै टळती
सरमीली टाळ^३ ।

१. ली २. शाखा ३. मांग ।

मूँघी मजूरण

इए मुलकती माटो री
 आव आवरू नें
 आपरी काण सूँ केवटणी
 श्रम-सिव जटा निभरणी
 जसमल ।
 ये गुग जेठी^१ सरूप सायर में
 आपें रै आगोर आ
 भरियो निरमल नीर ।
 वे तिरसा सो
 तिरसा ही रहा
 काम कचोळें कोडीजणा
 भू भू करता भूपति ।

जर^२ भालें नीं भिल
 धारें भेक उछालें करी
 कनक सवाई
 वां ओड^३ ओडियां री कमाई
 हे मोतिये मन री
 नें समदिये तन री
 मूँघी मजूरण ।

१. घेष्ठ २. घन ३. जाति जो मिट्टी तोदने का काम करती है ।

थनं ओढावां इसी
 आज हाटां नीं चूँनड़ी
 कर बांधां जिसी
 कमाई नीं राखड़ी
 सतियां रं जामँ झूलरं
 नागमणी ज्यूं सिरामणी
 रूप रूखाळी रं
 रातीजोगां
 रल्लवो रागणी
 जागणी जसमल !

जे म्हे आज
 उल्लट पुल्लटां
 पिरथी री पांनड़ी^१
 तो वरणा बैणां में
 ओकल रूपीजं
 जमक जोतिया घोरियां री
 राखड़ी री
 सींगोटी^२ रल्लियौ
 ओबोटी^३ रूप ।
 श्रम-सीकर सौरम नै
 घर-सुता धीजो
 देवणी जसमल ।

1. पृथ्वी के पर्व, इतिहास 2. बैल के सींगों का मन्त्रिस्थल 3. पवित्र ।

सुमताज रौ प्पोह

सौ बकरां रै रगत सूं
 फलै अके अंगूर बेल
 या जूनी कैवत
 श्रीगालतां^१ श्रीगळतां
 कितरी सुहाग रातां रा
 मसोसिया गीत
 आज ही
 अकेण सागे
 थारी कबर सूं घरकता वारै आया,
 जोवनिये री जूनी मजदूरी मोरिया
 जिसमी फूल
 इतियास री विसखती बावळ
 विगताया ।

रूप रुधणी
 मनसब मकळाई री सांकळां री काट
 सेवट बां सांकळां ने खायगी
 हजार बरसां रै इतियास री
 मेछ^२ मांणीगर बीर हजारी
 हमें घणी फुरसत में
 नीची नाड़ कियां

1. जुगाली करते 2. भुगल ।

इए धौळिये भाटां देठी
धौळी घट रातां में
रमी रमै ।

अरे उए अतीत री
इतरो निसरड़ो^१ धीजो
कितरै मरियोहुं पांगी री
गुमटाई^२ गूंग^३ नै
इए मकराणी पैठ सू परोटै ।

1. बेशर्म 2. बुर्ज का आकार ग्रहण करने वाली 3. गूंगापन, चुप्पी ।

नामरुद निखरनाई

(कृष्णा कुमारी री मौत माथें)

अतीत रा डूवता डोळां^१ नै
लैरां री डुरकी^२ रा चोभा^३ देवती
डोकर पोछोळें री पाळ
थारै पिछोकई^४
कितरी अजरायल राजनोती रा हकीमां
समै रा अबोला गरभ गाळिया ।

मेवाड़ री मरजादा रै पोतें में पळियोड़ी
वा जूनै अमल री कसूवल काण
काई इण दिन खातर ही
जैर वणो ही ?

वे मूँछाला जैपर नै जोधपुर
मल्हार री मैफल री मोटी दीवाधरियां^५
अके रतन-जोत नै बुझावण खातर
इतरी उतावळी होय
समै रा मीर^६ री मटकती मींट आगं
नगरां धगरां
निरतीजती आई ?

-
1. आंखों के कोपे 2. कृष्णामय गीत 3. स्पर्श, सहलाव 4. पोछे का हिस्सा
5. दीप रखने वाली सेविकाएँ 6. भीरवा ।

वा ती आपी राख
 आप ही बुझगी,
 उण मायै आज लग
 उण हसम^१ रै हाथियां रा हाड पसीजै
 पण
 दुळियोदी^२ राजनीत में
 मिनख री नामरद निसरमाई
 यूं कदे सरभीजै ?

दीवाणी दाग

मूँता नैणसी सूँ लेय
इन्दरराज सिधी ताई री दीवाणगी रँ
इन्द्राज माथे
अँ उफसियोड़ी ख्यातां रा पाठा^१
अँक अपरोखी^२ अ गेज देवं ।

दीवाण री मुसायवी जांणती
हूँ प्रवासी राजा रँ परवार री रूखाळी करतो थकी
सिरपेच रँ अँक आँटें में
जनता री कमाई अँटाय
राजा री मजबूरी मांणू ।

राजा मनसब^३ री रखत रूखाळती रूखाळती
वरसो वरस अमूभी
सहस संकावां री
आकळ वाकळ मूँठ नै
मोटी मुख्तयारी रँ भेनू
दीवाण माथे नांखती
नै हवेलियां में लूट री
हाकी होजावती ।
रात पड़ियां कितरा ही सैण

1. पन्ने 2. अजनबीपन 3. भुगल पद जिसके तहत अन्य सूबो की सूबेदारी दी जाती थी ।

दुसमण रै पाळें में दोगलाई री पिछांण देता,

दूजें दिन उणी दीवांण री पाटवी पूत

दीवाणगी री मो'र री मोरी बण

सूरजपोळ¹ चढतो

वाप रा वारें दिन पछै करतो ।

ख्यातां खता खायगी

कितावां छपगी

पण राजनीतो री रांग² में

वो ही खात खपियां जावै

हवेली सून ऊठियोड़ी हाकमी बंगळां तक आवै ।

1. जोपपुर में किले का द्वार । 2. जहाँ, माथार ।

किले काटोजतौ कड़ाव

कितरा सोयता^१ रंदिमा है
इण कड़ाव री कठमठी कोरां ताई
जोधे री पञ्चीस पीढ़ियां नै पोखणिया
जोधारां रा वे ही पांचू पकवान

अठै सूं लेय अलंगां^२ ताई
कितरी रसत इण में नदियां पार करी
तिरिया^३ कितरा डूबता प्राण
नर भखणी नरबदा री छौळां माथै
केता इतियास हुलरोजिया है
मचकता हाथियां री पीठ माथै ।

अटक^४ री अटक नै पार करी हुसी
अवखी बेला री....
इण में ही जसवंत री
विखायत^५ रांणियां ?
सत री भींट साध तिरती
भालाळै दुरगै रे भालै सूं
भाग री आगूंच धगती घाग देख,

पण समै कितरी बेकार करदे है
सर्म रा साथ नै
आज ओ अकली बैठी अरोगै
आपरी ही काट ।

१. माम में बाजरी डालकर बनाया गया भोज २. दूर दराज ३. धड़े कड़ाह में बैठकर नदी पार की जाती थी ४. अटक नदी ५. दुदिन से प्रसिद्ध ।

अके साख लीलांगी रैगी*

मोटी उथलपुथल बीच
उथलीजग्या गढ़पती
माथा दे भोलायोड़ी जमीन
भुआवजे रै भाव जनता में जरगी
राजनीत रै चिरत चढ़िया
जनसेवी
जर सेवी बण
आंके उघड़िया¹
पासै री पळटवीं ढाल में
मिनखां री मरजादा वहगी,
जूनी परनाळां पड़ती पांणी
नवी नींवां में मरण लागी
तिरण लागी धौळी जाजां
ऊंधी पड़ पड़
काळी धन कचोळणी² ।

उण वीच अडिग ऊभौ
अक खेजड़लौ
जिए पंथियां नै छीया दी

*मेजर डा. मँरू'सिंह खेजडला रै सुरगवास माथे ।

1. असलियत प्रकट हो गई 2. संग्रह करने की धिनोनी प्रक्रिया ।

पण आपाण^१ न दियो

अर

जोजरै जुग-खेतर में

तन पड़ियां पछै हो

बखत बतूळा भेलणी साखां में

वा अक साख लीलांणी रंगी ।

१. स्वत्व ।

नेपोलियन की नील सू

गोरा मरपतियां रै
नाक की तीख^१ माथे
लाखीएँ ताज रा लोढाऊ
धारी अकल-तेग तुरसाई रा तिरवाळा
आज दिन
उण सायरां^२ तिरै ।

राष्ट्र सहंतो अँक रास धाल
आप धाव धीजियां
धारो पग पीढी-लोभ पागड़ पड़ियाँ
अर वा हिरण हूँस
अलवानिया की ओढी^३ भोम
जाय ऊतरी ।

जे दुर्गे ज्यूं
अस की आवरू राख
हाथ राखतौ हियौ
तौ
धारै जस की पीढ़ियां जोड़
समँ रो कोई कारोगर जोधार^४
इतियास रै आखरां
नीं उभरतौ ।

१. नाक ऊँची रखने की प्रवृत्ति २. समुद्र ३. विकट ४. योद्धा ।

सिसर

सलबलता खेतां में
सिसर सिसकारै
सररावै गेहूं री बाली
ज्यूं रुखाळै री हंभाली
ताली दे पून^१ दौड़ी
उपाली—
पाली पाली पाली
कण कनक मुघड़ाई ढाली
सलबलता खेतां में
रुत निरताली ।

फोग

मरुथल रं धीजै नै
मोटी साख देवणिया
धुकते घोरां रा धूणीगर
हे जोग धारी फोग !
यूँ तपती लुधां में
जूने जोगी यूँ
जटा बिखेरघां
चोड़ै तावड़ै री ताप
धौली हाडकियां रं
ब्रम तेज में तोलै,

इण पात हीण गात रं
निरबसण पैसारै में
लुआं री निरोगपखी
वाट¹ में पाळ
दिगंबरी नेठाव सूँ
मरुधरिया मांणसां री
ऊंडी ऊमस ठाडोलै-
निरफळ नही
थारी आ निस्काम तपस्या ।

1. फूल जो ठही तासीर के कारण राखते में डाले जाते हैं ।

हृथा थोहर

मोटै मगरै री
अणभणी जोवन-पीड़
कितरी खपत^१ सूं
खाख फाड़ नीकली है
हृथा थोहर रा हाथां मे,

ईंघण वीणती
सुघड़ सांवली
घर धियारियां नै
घणै धाव भाव सूं बुलावै,
भाली घणों बाली
पण कांटां सूं कुण नीं डरै ?
वे जाणै—
सवासणी^२ सूं छेड़ करणिये
कोई कुचाली रा हाथ
हमें तिरसां मरता हिलै,

बानै दया आवै नी आवै
उण पैला
कोई न कोई जूनी रली^३ राखणी
साईणी सरपणी री सिसकार

१. प्रयास २. स्वप्ना, सड़की ३. उमंग, प्रेम ।

चरण न आलिंगती आछट
ऊमस र उकाळें छिल
दोनां री पीड़
रगत रळ
दूधिया घर भरें ।
अवोली घर धीयारियां
धीरें पग घर कांती दुळें ।

हंसियो चांद

मैं तारां री अणमणी चिणकां
 कवि री उसांसां न
 भोळखाण¹ देव
 उण रै हिये री
 हंसियो² चांद
 अंधारे रै गळें माय
 सगोलग वार करै
 जदताई कं
 वो खुद पूरौ
 मयंक नी वणजावै,

जन-भैराण
 जिण रै जोम ने देख देख
 आपरै मांगली रतीनजती³ आपी उधेल,
 मनी घाटियां नै सबद
 नै
 लैरां नै संगीत मिलै,
 आ ही बेळा हुवै
 जद वारुणी सूं
 इमरत नी ठगीजै ।

1. पहिचान 2. चन्द्राकार कुल्हाड़ा 3. रत्न सज्जन की प्रक्रिया ।

कवि कीट्स नै केरुं पढ़ियां

कालै ही म्हें कीट्स न
पाछो पढ़ियो
म्हन लागौ
कै अक पल री जिन्दगी मे
लाख बरस जिया जासकै है
अर लाख बरसां री इतियास
अक पल री इतियास है

पण इण पल री खिबण¹
लाख बरस लग तपियोई
लोही री कांठळ हेटै
कदै कदास ही
मावटी² मीट टिमकारै ।

1. बिजली सी चमक 2. माह महीने की वर्षा ।

वियतनाम की वसियत

आखी दुनियां रै
सलूणै इतियास रा पानां
म्हे फेरुं पळटिया
तो थारै आलै पानं में हौ
थारी वसियत
सगळां सूं लूँठी लागीं ।

रंग है
वां जून्मार्ग रै मोंद्री रै रंग न
जिको आदगु बाटो
आबाद फाँड़ियां गे गंगा में
आज हो रक्खो,
जिगु मूँ लाने के
मोद गे मोद नरकाद मूँ नृदम्यो ।

बेलि रौ फाल फुरलियां

हे प्रवीण पीयल
चारण कवि वंस नै
सगळा सामंतां सिरै
लूँठी रीऊ देवणिया
आखरां ओप रा रिऊवार
थारी बेस
डिगळ री केळ ओळ
वधतां वधी सो वधी ।

सुरसत रै आंगण में
वैणां री सरसती सगाई¹
समै नै सुवावती अवखाई
करी सो करी ।

जद उण भरवीं भासा री
कसणां री बंद
थां वांध्यां ही
वंधीजणी थो
सो थें घणी
सुघड़ वंधेज री सुघड़ाई वांध्यो,

1. वैण सगाई अलंकार ।

यारी कसमसी कूँत-गुमेज री कांण
रीत बांण फूलीजती
बेल-कवांण
किसन रुक्मणि देख देख
हंसता रह्या
वा हौळी हंसी
म्हारे कांन/आज इणी पुळ पड़ी ।

सिद्धेसर प्रसाद

मनु सूं इतरौ छोटी
मनु रौ घाप
मनु नै नीलम घाटियां में
फूलां रें पोतड़ियां लडावै

लाज रौ घणी लांबी घूँघटी
काढती सरघा
धारी सोसनिया सेज रें छेहं
अघ बैठी
काम नै कामणी री रूपक रिमझोळ सूं
चढ़तै रगत में
दरसणिया^१ हूँआं^२ रौ
रोमांच रूचावै
उसांस री पंखी सूं
स्वेद नै सुखावै ।

वासना बळ खावती
सौताळू मन
घड़ी घड़ी
ईड़ा री अलक नै
आंस आगै लावै
कोरै काम जायी, पूत
जुग जाण सूं परवारौ खेलावै ।

1. दर्शनमय, दार्शनिक 2. रोम ।

आज तांई
उण सरघा भांमणी री नुंई आस
ईड़ा री दाई
थारै मून इतबार सूं टटोळै

पण थें तौ
उण कैलासी¹ दाई नै
जूनै अंतर री फूँवौ दे
जवरी पटाई रै
घणै घाटा री कासी रा वासी
सिद्धेसर प्रसाद !

1. कैलाश की ।

रंगत नौ सासलौ रंग भावै

(कीर्ति स्तंभ)

जूनै जस रा
सेवरा संवारती
पौढ़गी पीढियां,
चौरासी जूए नै चौसठ जोगणियां
अवतारां रा उतारा लेती
जुगां जुगां रा जोखमिया जांम जराय
समै रा पारै री परणेतण ज्यूं
ऊंची चढ़ी नै नीची ऊतरि ।

वा रिमभोळां री रमक
पछै जातां हैळी पड़ी
पण उण थाकेलै री
निसांसां रौ ध्यावस
कळा री कवाणां माथै ऊतरियो,
कितरी अजूबी अरथाव है
इतियास री छाती में अमूभती
मिनख रै मन री सगायां री ??

अक उरधती मन री अमूभ
सुचंग अनंग री आफळ नै मुक्त करण
अवतारी किसन री कांण में
सोळै हजार रांणियां रै रणवासां री
लिङ्की खोलण आखतौ पड़े,

पल पल भीत सूँ लड़ती
 सासतै सुहाग री आसग¹
 रगत रा रेला रंग में वदळै,

पीढ़ियां नै
 कितो कितो भांत सूँ
 किए किए प्रीत रौ पतियारौ देवै ?
 मिनख देखै
 नै अचभौ करै
 ब्यूँ कै रमणिया तौ रमग्या
 पण बो हो रंग कुराव री कोर कोर
 आज रमै ।

आज इतरौ ऊचौ कुण चढै
 नै कुण ऊतरै
 आज इतरी रगत री नदियां
 पार करण
 कुण तिरै नै ब्यूँ तिरै ।

इणी खातर
 कळा, सागे धरती सूँ
 पाछी ऊगणी चावै
 पण उण जुगां रै मरम नै म्यानी² देवै
 बो ही नुबौ बीज बावै
 ब्यूँ कै कालजौ राखण
 रगत नै सासतौ रंग भावै ।

1. सामर्थ्य 2. अर्थवत्ता ।

किन्नौर जिले री किन्नरी

कठमठिये अंगों री
चावळ रूपाळी
कांमण किन्नरी
धारी सावत सरीस
सेव री लड़ा लूँव डाळ ज्यूं
लचकीजती
निरत री निरवाळी गत में भुकुं
जद चरपरा युक्लिप्टस रुंख
आप री लळक में
लुळ लुळ जावें ।

पगां री पैजणी री
खणकार सुंणतां ही
घाटी रा सगळा भरणां में
उफांण आवें,
चेतै चढ़ती मन-मछळियां
धारी सपोठ पींडियां माथे
नुधौ मारग घाल
अक ही उछाळ में
नितंव अढ़
उछळ जावें ।

आज दिन ताई आ
अवोट¹ उछळ कूद

इए घाटी देखी न थे
इए घाटी री हमजोळी देख
पाटी पाड़ी^१

पए हमें इए घाटी सूं
सरप सड़क जुड़गी है
अ गुलाबी छाती सूं सेयोड़ा^२ सेव
सेवट सिमलं^३ री होटलां कांनी सिरकता दीसं—
जठे पाटी पाड़ण
नित नुंवी काच
सांमी आसी
अर आं मछळिया री उछाळ
पेट री सळां में पट जासी ।

१. बालों को संवारा २. पकाये दिये ३. सिमलं

मांड में मूँछों की धुन सुणतां

मुळकती चाँदनी रा आकळ मोह ज्युं
 पिळू पिळू^१ अंतर^२ मरी रूप-तळाई माथै
 तिरं धारो प्रीत री सतरंग लैरियो
 जिण में भीणी भीणी भाँकै है
 काजळिया नैणां री सम्मोहण जाळ
 नागण वेणी री लय लहरणी में
 सुरां'ली^३ रंग रली री रळाव
 सुरत सरोवर डोव^४ डोहण नै^५
 हीजरत^६ हिये री बारण^७ वंघ आफळे ।

1. लबालब 2. इत्र 3. स्वरों की 4. गहराई 5. आनन्द लेने की ।
 6. उत्कंठा में व्यथ 7. हाथी ।

धारी याद

उनमादी जौवन सूरज
ज्यूं ज्यूं ढळतौ जावै
जौवन बावड़ी रै
पावड़ियां पावड़ियां
धारी याद री सीली¹ छांव
ऊंडी उतरती जावै,
कितरी ही पांणीदार पिणिहारघां
सैरां रै लखाव री कणगती² रळकाय
उण माथे ठुमकती
आढी डोढी उतरगी नै चढगी
पण
धारै ऊभै उतार आगे
बांरा भरिया घट ही
रोता लागै ।

1. ठंडी 2. करघनी ।

पावूजी री कुरियोड़ी पड़ ने देखियां

अरे सधियोड़ा ऊभा है
 भुरजाळा सुमट^१
 जांणै उतरादी कांठळ रा
 काळोड़ा टूंक,
 केसर घोडी काळवीं री गत रा
 विच विच चमकै है
 वचन सळाव
 कोरण^२ चढ़ी है
 कंवरी नै सोडी रै चंवरी चीर री
 सोळी तौ चडियौ है
 पावू रै पीठी पै
 पावस पीठाण^३ री,
 नायक^४ नडी^५ नच्चणा
 घुर घुर घुरै है
 अंवर डंवरिया डोल
 करतव^६ पमंगां^७ पीठ
 थिर होय थिरकी है
 रावण हये री हथोटी में
 बैतोड़ी बावळ^८ इतियास री ।

-
1. बुजं की आकार वाले वीर 2. काले बादल के चारों ओर चमकने वाली रेखा
 3. मुस 4. भील 5. नाड़ी 6. गहरे, बादल 7. कर्तव्य 8. घोड़े की
 9. वर्षा के आगमन पर बहने वाली ठंडी हवा ।

कुंवर सेजौ

जुग री जठरानळ^१ भाळ सूं
जळतें नाग नें उवार
पायीं थे प्रांणां री प्याली
मोटी जीया जूण नें
जीभ देय राह्यौ थे
जावती बोल री मोल
सेस ज्युं असेस होय
धीणोड़ी घरती नें राखी जीवती
ऊमरें ऊमरें वे ही
ऊगता श्रीसांण^२
सिरें सिरें में वे ही
दूधिया उफांण
भरवें भादवें भरें
आसा जिया जूण री ।

१ जठरान्नि २. अक्सर ।

कौं खबर नीं

कौं खबर नीं

इए अंतसपुर आलम री

उर-घाड़ी री बहारां सिरजणिये

भरणै रै आगम री

आ सतरंगी रंग री

तरंग

फिरण में है

कै

कालजै री कली में है ?

कौं खवर नीं

कौं खवर नीं
इए अंतसपुर आलम री
उर-वाड़ी री बहारां सिरजणिये
भरणी रे आगम री
आ सतरंगी रंग री
तरंग
फिरण में है
कै
काळज री कली में है ?

गांववेड़ी गुसाईं

अरे गांववेड़ी गुसाईं !

फेरुं अं कर ती आ

थारोड़ई गांव

अर

सुन्दरकांड री पाठ पाछी तो कर,

थारी रतन सीता री सराप

थनै देह री

नींद सूं जगाय

लंका री झाळां में भूलियो

पण आज रा कांमेड़ी¹ कवियां नै

कांमणी री गारुड़ी गावतां डसग्यौ,

जे झाड़ी उथलणी नी भूलियो हुवै

तो थनै

राम री रजपूती री सौगन

अं कर

इए जूनी भागीरथी रै भाग री ही सही

उथलनै तो देख—

कनक कांमण रै

विलळ विलाप में

सगळी जुग गैलीजग्यौ²

कोई भरत री मुरछा भागियां ही

इए जुध री निरण निकळसी ।

1. काम में डूबे हुए 2. बेहोश हो गया, आपा खों बेठा ।

आज दिन ताँई री जोड़ायतां^३ में
 ओलखाण काढे
 स्वयंवर नहीं सही
 प्रणै री जोड़ नै
 खासै घीजै सूं चंवरी चाढे,
 पण हमें औ घीजौ
 सोन-भ्रग फाल सूं
 फेटीजतौ लागै ।

गांवोड़ी गुसांई

अरे गांवोड़ी गुसांई !

फैलूँ ओकर ती आ

थारोईई गांव

अर

सुन्दरकांड री पाठ पाछौ तो कर,

थारी रतन सीता री सराप

थनै देह री

नींद सूं जगाय

लंका री भाळां में मिलियौ

पण आज रा कांमेड़ी¹ कवियां नै

कांमणी री गारुड़ी गावतां डसग्यौ,

जे भाड़ी उथलणौ नीं भूलियौ हुवै

तो थनै

राम री रजपूती री सौगन

ओकर

इए जूनी भागीरथी रै भाग री ही सही

उथलनै तो देख—

कनक कांमण रै

विलळै विलाप में

सगळौ जग गैलीजग्यौ²

कोई भरत री मुरछा भागियां ही

इए जूथ री निरणै निकळसी ।

1. राम में हुबे हुबे 2. बेहोश हो गया, घापा खों बंटा ।

देवदासी

भारत रै भरवें इतियास री
 ऊँची पाज रै अधवीच
 घरम धोठाई री मोथ¹ हेटं
 तड़ित तरेइ ज्यूं तिल तिल कळपती
 कामणिये सुरमे री रिसती रेख !
 पीढी रै पुरसाथ हीण स्वार्थ री
 निसरमी सरम ज्यूं
 थूँ किसे परवस परभात री
 देव वंदना में
 इण अखाडै² ऊतरी
 हे देवदासी
 देवगना ?

कायर भूपाळां री
 रिण खांतीली खड़ग री पांणी
 उतर आयौ/अवळा अंग अपांग रै
 विसभीजत वीपार
 भाग भरोसे जीवणै समाज
 घरम मठां री माठ³ लेवण
 अर्चना ओळावै
 अरपायो कंवारी कन्या रै भूख री
 आदण ज्युं ऊफणतौ अरघाव—

1. एक प्रकार की घास 2. नृत्य स्थल, नर्तकों का समूह 3. मोट ।

आ निजोरी लवंग लता
 पासाण पति नै परणाय
 दिव्य दायजै देह री
 निरत साधना सूपी ।

इण काम कनक केळीजती निरत आराधना री
 नूपर पुकार सुण
 थिर थांभै कुरियौड़ी
 पासांण-पूतळियां री प्रीत ही
 जीवतै प्रीतम हेत पागरै,
 तौ मनसिज सेजां रै उफांण
 थारै कटाछ री कळाई भेल
 कुण दरसी नी परसी
 आ काम मोक्षदा किंकणी ?
 पछई थारै रोम रोमाच सूप
 भड़ती फूलां रो फुलभड़ियां
 कांई देव नै
 सौरम सूपण नै ही भरै ?

तन जन-जीवन नै
 मन मूरत मोवण नै
 अकै अंग दो अराधना
 अकै प्राण दो प्रणय री
 आ परतख विडंवना,
 दारूण कांठळ घुळियोड़ी
 कायर काम कळप री
 जाणतां थकां ही
 अजाण पहेली वणै ।

हे मजदूर मां रोहा री हरणाखी !
 थूँ कितरा दिन करमहीण समाज री
 काम धोठाई माथै
 पाछल परदो राखसी
 कद कोई नटराज
 दरसन^१ री देह सून
 ओ तावीज उतारसी ?

बाधौ बिणज

आम आदमी खातर
हर छिण आप ताई सिकरावणौ
जीवण बिणज है
वो आपरो ही उधेड़ नै सीवै
हर ओसर नै आपरें भारफत
दूजां ताईं सिकरावणौ
वधतौ बिणज है
जिको जुग-जांमी ही जीवै
पण कवि पूरै जीवण नै
पूरण खातर सिकरावै, श्री
बाधौ बिणज है
आखरां रो अमरता ही पीवै ।

‘सांभ’ री संपूरणला

पढणिया आपरी अपणास सूं पढे
 पढावणिया पढाणें रें ढाळें सूं पढावें—
 वे काळिदास अर प्रसाद रें
 प्रभाव री चमत्कार वताय
 चार अंक वधता लेवण री
 चेतो पण देवें

पण म्हारो हियो
 उण दिन हरखियो
 जद म्हें म्हारें हेताळ जून संपाठी सूं
 सुणी
 “अक अदनो पडचूनी वीपारी
 सेरगढ़ रा धोरां धोरां ढांणी ढांणी
 पडाव नांखती
 चून साटें पडचून वेचण
 वरस में दो बार आवें,

सांभ रा ब्याळू कर
 आसूदी आसंग सूं
 ओगाळते^१ ऊंठ कने
 धोरें रें फरे^२
 मंगायोडो मांचो ढाळ
 टिमकती लालटेण जोय

1. जुगाली करते 2. ढलाव ।

‘सांझ’ री पोथी काढ़
उण रा छंद गुणगुणावतौ
नींद री नणदळ री
चुतराई बखोणै,

ढांणी बाळा हयाई हेतू
उण नै पूछै—
सेठां इण पोथी में एकमना
अइँ काई पढ़ी ?
वो केवै—
“म्हारौ गांव अठा सूं
तीस कोस अळगौ
पण आ पोथी देखताईं
म्हे म्हारै गांव गुवाड़
पूगता हुवां
पेट खातर
पेंडै रा उथड़का खावां
खेली खेली ऊठ पावां
ओरण ओरण अलख जगावां
पण नींद
घर आंगरी में लेवां
आ सोचतां थकां—
कै
आगलौ सूरज कठै ऊगसी ?”

आजादी-सौ भोलि ह्वी आलम री नीव है

(बंगला देस री आजादी)

अक हाथ दूजे हाथ माथे जीवें
अक भीड़ी दूजे री कमाई माथे
कसूँवो पीवें
औ इए खंड री
दोय जुगां जूनो इतियासू जाज
बंगाल री खाड़ी खने
उथलीजग्यो,
आखर^१ अक पतवार पांरा
समता री समंद कितो दूर
पार होतौ ।

आपरै ही रंग-रगत न्हाई
छाड़ी में
आज सागे जात री नवी पात री वो जिहाज
ऊठती उमंग रा
पाल-पंख खोलें
जिए माथे सूरज री नवी किरण-कूँची
गावता पंखियां री गुमेज कोरें ।
पए औ गांवतरो घणो लांबो है
अजें अडिग

आकास-दीप री जोत आप आप दीपणी है
अर लाजमी है खेवटियां नं मिजल री मोद
क्यूं कै घरती री किनारी ही
समदर री सीव है
आजादी री मोल हो
आलम¹ री नीव है ।

स्तुजीव री मौल साथै

उए उकलतै रगत री
 नेठाव^१ उमंग री
 अकासदीप
 हाल दीपियौ हो कोनी
 अर वो जिहाज हालता पांए
 फेरुं उथलीजग्यौ
 बयूँकै
 दोगलां सूँ आ दुनियां खाली कोनी ।

इए दुनियां रै चिरताळै इतियास री
 अक असलियत
 हरामखोरी री खाद में ऊगोड़ी है
 हर ख्यात में दोगलाई री
 लांवो दाखलौ है
 इणी खातर औ जिहाज
 हर बार उथलीजै,

घणी दोरी ऊगै
 भिनख री खुसियां
 करमां रा खेतां में
 पए भरिये भादवै औ दोगलो ठाव
 अड़क गुवार ज्यूँ

वां माथे जोराजोरी चढ़ जावे
 अक पापी रै पांण
 पाकी फळी फूटतां ही
 अड़क बीज ऊछळतौ
 पेदे पार हो जावे,

जिहाज फेरुं उळटे
 जद वाही
 मजूर जनता मर-पच
 जूना जखम भूल
 जवांमरदाई री टग¹ दे
 ज्यूं त्यूं उएनै बैठौ करे,
 इतरै में वो ही बीज
 फेरुं ऊगे
 खुसियां रै खेत री फेरुं
 वा ही गत हुवे,
 इणी खातर घर आकास अक कियां हो
 आ दुनियां जठे ही
 उठे री उठे है ।

अ जग जोखमिया मुजीब !
 उए रात रै गमगीन सरणाटे में
 थारी चौड़ी छाती लागती गोळियां
 सगळे संसार धरुं मातम सूं सुंणी
 पए इतियास री उळटवी कड़ियां नै
 गुणगियां ही गुणी
 इणी खातर थारो दाखलो हमें
 दोगलाई दुनियां सूं वारं होग्यो,
 थारं खातर
 थारं जन्मनायल जोखम री
 आ तूं खार खाईस

सहीदी अमरता रो खिमायजो ही सही
 पण थारा वे अवोघ टावर
 वांरी मौत
 म्हारे सून याद नीं करोजें
 वो करण कलमो लिखण नें
 कलम नी अपड़ीजें,

जीभ सून ओक ही जजवात
 घड़ी घड़ी ऊखलें^१
 “लख लख लानत है
 इण नुगरै मिनख री
 नागी नबावी माथें ।”

१. प्रकट होता है ।

रत्ननाकर आराधना*

महारुद्र माळा रें
 रुद्राक्ष मिणिये ज्यूं
 उदध तिर
 तीर आई आ
 सुघड़ साधना
 दूधारु धरती रें
 भूरें भूधर थण^१ सी
 रतन अरधावणी
 रतनाकर अराधना,

इण कोल री कूंत
 थाग न सकिया—
 असपत महिपत गजपत
 लौकिक री अलौकिक सार
 सारणिया योगी यां में पैठा,
 पासांणी पिंडां में प्रगटायी
 अप्रगट री सरूपी प्रगटाव
 अंतर री साध री
 उफणती आघार
 कळा री कसक री
 मूरत उमार ।

❧ एलीफेन्टा गुफावां ने देखियां लिखी I. स्तन ।

सम्राटां रा जग डोहरिया सिंघासण
 जिण मैराण¹ जराया²
 उण री समै सरणी सांवटणी
 चंचळ पलका
 इण तीर आय पाछी ततकारं
 असमेधा रा सगळा अस³
 इण आसण आयां जेक मून नेठाव री
 ममता पुचकारं

फेर वानै
 लैरां री लगाम खोल
 आद अणंत उदध⁴ में
 रमेकड़ा ज्यूं उछेरै ।

इण आसण री
 आस्था सुघड़ाई सांमी
 तरक तीख तीलती
 जुग उदबोधं
 अणु संगती रो आसण
 आस्था नै तरक री दो फरलांग सायर-फेर
 हठ माथे हठ कर अळेटे
 अके री उथेली दूजे नै पछेटे,
 चांद री माटी सूं छेटी भरियां ही
 आ अळगाई यूं री यूं लखावे
 वयूंकै
 मिनख मिनख रे आंतरै⁵ नै
 आदमी यूं री यूं हुलरावे ।
 इण घरती री घोज माथे
 आसण आसण री सेतु साध

1. समुद्र 2. उदरस्थ कर दिये 3. अश्व 4. समुद्र । 5. दूरी ।

कोई लख नै अलख लखणियो
जुग जोगी
दोनुं सिखरां नै अकेण साध साधै
तौ नवजीवण में मुगती
नै मुगती में जीवण लाधै
मिनखां रौ मारकेस
ममता में साधै
ग्यांन रौ गुमांन
समता में बाधै ।

हँकलाव अघूरौ है

घटनावां घट नै रै जावै
याद घटती ही जावै
पेट रा गळेटा
दाट देवै—
संस्कृति री सीरां नै,
नुगरापी निवेड़ुलेवै
मिनखाऊ कूंत रा साटा
दौलत री होड में
मिनख हिड़कियो हो जावै
आपरी लाळ दूजां नै लगावै
पेट री परकोटी बबती ही जावै,

नर भूलै घर
नै पीढी रै प्राण री जोत
दोगली दीठ दिवाळे भिळ जाव—
मिनख मिनख नै
कौम कौम नै
देखती निजरां
अजनबी लखावै

मांयली पूंजी मांहे कजळावै
आपरी खेह में
आप गम जावै,

खेह नै खंखेरियां ही
पुरस संपूरी है
आपै री अंवेर विना
इंकळाव अघूरौ है ।

